



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Vita S. Thomae Herefordensis in Anglia Episcopi. Ex ea quam, teste a Baronio, Surius ex Anonimo fidelissimè conscipsit. Migravit ex humanis anno Domini 1287. Relatus à Ioanne Papa XXII. in numerum ...

urn:nbn:de:hbz:466:1-42787

*S. Vindiciani
vitam inue-
nit Lector
11. Martij.*

*Transfertur
S. Corpus e-
ius ad Picta-
uięse solum.*

*a In Nota-
tionibus ad
Martyr.
Roman.*

*2. Octob.
Patria &
& parentes.*

*Pietas ad-
huc pueri.*

Augustodunensis iure episcopatus illud suum esse asserbat. Sanctus verò Vindicianus Presul Atrebatensis, nullo modo id sibi auferri patiens, locum martyrij & sepulchri in sua dicecesi esse contestabatur. Fuit tandem vna omnium Episcoporum sententia, vt ieiunijs & orationibus pium illum confictum dirimerent. Facta igitur communi oratione, Picta uensi Episcopo sanctum corpus donandum ex indicijs declaratum est: sicque cum debita reuerentia & stupendis per viam virtutibus atque miraculis in nouum amplissimum in B. Martyris honorem extructum templum translatum & sepulturę mandatam est: propè B. Maxentij monasterium.

**VITA S. THOMAE HEREFORDEN-
sis in Anglia Episcopi. Ex ea quam, teste a Baro-
nio, Surius ex Anonimo fidelissimè conscripsit.
Migravit ex humanis anno Domini 1287. Re-
latus à Ioanne Papa X X I I. in numerum san-
ctorum.**

S Thomas Herefordensis antistes, in Bri-
tannia maiori, quam Angliam vocant,
claris natalibus, patre V Vilhelmo de
Cantilupo, matre Milicenta Comitissa Ebro-
icensi, ortus est. In ipsa pueritia, cum lite-
rarum studijs traditus esset, haud vulgarem de
se pietatem præbuit, ætatem moribus trans-
cendens, quotidie preces, quas horas Cano-
nicas vocant, dicere; & Missæ interesse solebat.
Studiorum causa primò ad Oxoniensem Aca-
demiã, indè Lutetiam se contulit: vbi logicæ
operam dans, & Philosophiæ secreta rimatus
magi-

magisterij titulo ornatus est. Postea Oxoniam reuersus, Iuris Pontificij Doctor & Academiae Cancellarius creatus, ea animi prudentia causas discussit; vt fama increbescente, Henricus tertius Angliae Rex eum quanquam inuitum sibi in suo regno Cancellarium asce-

Fit Cancellarius Regis Angliae.

uerit. Eo honore à Rege decoratus, mores, qui tunc in alijs praecipue diffuere solent, multo magis composuit, suasque actiones arctiori virtutis praescripto deuinxit. Postquam verò Henricus Rex in viuis esse desijt, vir sanctus Oxoniam repetens, animum ad Theologiae studia appulit, Doctorisque insignibus affectus, tanta deuotione & pietate rebus diuinis operam dabat, vt intuentium fidem & mores informaret; tanto lachrymarum imbre Missae sacrificium peragebat, ac si Christum coram se in humana carne patientem videret. Cum alia vitia omnia vehementer detestaretur, tum obtreccionibus cane peius & angue detestabatur: cunctosque ab eo crimine reuocare nitens, si quos obtreccantes audiret, seueriter illos castigabat. Mentis & corporis eius integritas & mundities tam fuit rara, vt Robertus Cantuariensis Archiepiscopus, deinde Portuensis Episcopus Cardinalis, qui ei à pueritia confitenti aures praebuerat, Oxoniae publice de eo fateretur: tantam illius & corporis & animi castitatem esse, quanta maior infante non fuerat.

Mortuo Rege confert se ad studium Theologicum.

Odit vehementer detractores.

Admiranda illius castitas.

Corpus suum vigilijs & ieiunijs, asperoque cilicio permultis annis secretius maceravit. Cum autem Heresfordensis Ecclesia suo esset pastore orbata, omnium votis ad eam functionem

Fit Episcopus.

*Benignitas
eius in pau-
peres.*

nem electus est. Tum verò longè etiam magis quam antea vigil ad curam factus, & suavis ad mores, sedulò in primis pauperibus subueniti præstantique benignitate ac liberalitate inopiam eorum subleuauit. Magna laboris instantia in eam incumberebat curam, vt ecclesiæ iura tueretur, & quæ alij sibi præter ius falsè vendicarent, ab iniustis possessoribus ablata ecclesiæ restitueret. Ea causa cum grauis extitisset contentio, Romanum pontificem adire decreuit, vt ab illo tantis molestijs opportuna remedia impetraret. Eo igitur tam longo & difficili itinere non sine multo labore & corporis sui detrimento suscepto atque confecto, Romam venit, & à Martino Pontifice honorificè acceptus, rebusque & negocijs, quorù causa eò venerat, pro voto expeditis, dum in patriam redire contendit, morbo oppressus, apud Florentinos iuxta Flafconis montem è vita excedit, sexto Nonas Octobris. Interea sex diebus corpus eius exanime asseruabatur, odorem spiras suauissimum. Deindè caro ab ossibus separata, in Ecclesia S. Seueri honorificè sepulta est: ossa verò per tam longinqua terrarum ac maris spatia in Angliam ad sedem eius apportata sunt.

*Migrat ad
Dominum in
itinere con-
stitutus.*

*Sacra eius
ossa in An-
gliam trans-
lata.*

*Præclarum
miraculum.*

Cumque obuiam illis venisset Gilbertus de Clara Comes Glouernia, qui ob iura ecclesiæ beatum virum fatigauerat, mox ab eis sanguis copiosissimus manauit; ita vt vasa, in quibus ferebantur, sanguine tincta viderentur. Quo sanè miraculo concussus Comes, iura omnia Ecclesiæ restituit; & ea, quæ temerè egerat, pietudine expiauit. Porro inter alia eius, quæ scri-

scriptis de eo mandata inueniuntur, miracula, sexaginta mortuos excitasse legitur; quadraginta & vnum cæcos illuminasse; quinquaginta duos contractos sanasse; viginti & vnum paralyticos restituisse; cæcis & mutis viginti tribus lumen reddidisse.

Multa eius & admiranda miracula.

MARTYRIVM DVORVM * EVV AL-
dorum Presbyterorum. Ex historia Angelorum
Venerabilis Bedæ, Lib. 5. Cap. 11. a Passi sunt
anno Domini 693. iuxta Chroni. Sigeberti.

* Heuual-
dorum.
a Teste C. Ba-
ron. in Notat.
Martyr.
Rom. &
Tom. 8. An-
nal.

QVO tempore VVitbertus in Frisia, fru-
strà diu multumque in opus Euangelij
desudabat, Ecgbertus vir Domini quia
ipse propriæ Ecclesiæ necessitate retentus, ad
prædicandum gentibus proficisci nõ poterat,
tentauit adhuc in opus verbi alios egregia san-
ctitate & Christianæ facundiæ laude præstan-
tes viros mittere: in quibus eximius Vville-
brordus presbyterij gradu & merito præful-
gebat. Qui cùm à Pipino Francorum duce gra-
tanter suscepti, & in citeriorem Frisiam, ad
prædicandum missi, haud pœnitendos operæ
fructus facerent, multosque ab infando idolo-
rum cultu ad Christi fidem conuerterent: duo
presbyteri, ex Anglia oriundi, qui in Hybernia
multo tempore pro fide ac religione exula-
rant, horum exemplo prouocati, pariter ad
prouinciam antiquorum Saxonum venerunt; si
fortè aliquos ibidem prædicando Christo lu-
crari possent. Erat vtrique nomen Evvaldus ea-
tamen distinctione, vt pro diuersa capillo-
rũ specie, vnus niger, alter albus Evvaldus di-
ceretur. Quorum vterque pietate religionis
imbu-

3. Octob.

S. Vville-
brordi viis &
reperies le-
gor. 7 No-
uemb.

Patria E-
uualdorum.